

**“ТАСДИҚЛАНГАН”**  
**“Hududiy elektr tarmoqlari”**  
**aksiyadorlik jamiyati ҳамда ушбу**  
**Жамиятга қўшиб олинаётган 12 та**  
**худудий электр тармоқлари**  
**корхоналари (“Toshkent shahar**  
**elektr tarmoqlari korxonasi” AJ,**  
**“Toshkent HETK” AJ, “QQ HETK”**  
**AJ, “XORAZM HET” AJ, “Navoiy**  
**HETK”AJ, “Samarqand HETK” AJ,**  
**“Jizzax HETK” AJ, “Qashqadaryo**  
**hududiy elektr tarmoqlari” AJ,**  
**“Surhondaryo hududiy elektr**  
**tarmoqlari korxonasi” AJ,**  
**“SIRDARYO HETK” AJ, “Andijon**  
**HETK” AJ ва “Namangan HETK”**  
**AJ) акциядорларининг 2022 йил**  
**12 октябрдаги қўшма умумий**  
**йиғилиши қарори билан**

**“HUDUDIY ELEKTR TARMOQLARI”**  
**AKSIYADORLIK JAMIYATI**  
**УСТАВИ**  
**(янги тахрир)**

## I. УМУМИЙ ҚОИДАЛАР

1.1. Ушбу Устав Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги, “Қимматли қоғозлар бозори тўғрисида”ги, “Электр энергетикаси тўғрисида”ги қонунлари ва амалдаги қонун ҳужжатлари асосида ишлаб чиқилган.

1.2. “Худудий электр тармоқлари” акциядорлик жамияти (кейинги ўринларда «Жамият» деб юритилади) Ўзбекистон Республикаси Президентининг 2019 йил 27 мартдаги ПҚ-4249-сонли «Ўзбекистон Республикасида электр энергетика тармоғини янада ривожлантириш ва ислоҳ қилиш стратегияси тўғрисида»ги қарори асосида ташкил этилган.

1.3. Жамиятнинг фирма номи:

1.3.1. Ўзбек тилида (лотин алифбосида):

тўлиқ номи “Hududiy elektr tarmoqlari” aksiyadorlik jamiyati;

қисқартирилган номи: “Hududiy elektr tarmoqlari” AJ.

Ўзбек тилида (кирилл алифбосида):

тўлиқ номи “Худудий электр тармоқлари” акциядорлик жамияти;

қисқартирилган номи: “Худудий электр тармоқлари” АЖ.

1.3.2. Рус тилида:

Акционерное общество «Региональные электрические сети».

қисқартирилган номи: АО «Региональные электрические сети»

1.3.3. Инглиз тилида:

тўлиқ номи: Joint Stock Company «Regional electrical power networks».

қисқартирилган номи: JSC «Regional electrical power networks».

1.4. Жамиятнинг почта манзили ва жойлашган жойи: Ўзбекистон Республикаси, 100084, Тошкент шаҳри, Юнусобод тумани, Осиё кўчаси, 8 уй.

1.5. Жамиятнинг электрон почта манзили: [info@het.uz](mailto:info@het.uz)

1.6. Жамиятнинг расмий веб-сайти: [www.het.uz](http://www.het.uz)

1.7. Жамият Ўзбекистон Республикаси Президентининг 2019 йил 27 мартдаги ПҚ-4249-сонли “Ўзбекистон Республикасида электр энергетика тармоғини янада ривожлантириш ва ислоҳ қилиш стратегияси тўғрисида”ги қарорига асосан “Ўзбекэнерго” акциядорлик жамиятининг электр энергияни якуний истеъмолчиларга тақсимловчи ва сотувчи худудий электр тармоқлари корхоналарини бошқаришни амалга ошириш бўйича ва Ўзбекистон Республикаси Вазирлар Маҳкамасининг 2022 йил 24 мартдаги 126-сонли қарорига асосан “Hududiy elektr tarmoqlari” AJга қўшиб олинган 12 та худудий электр тармоқлари корхоналарининг (“Toshkent shahar elektr tarmoqlari korxonasi” AJ, “Toshkent HETK” AJ, “QQ HETK” AJ, “XORAZM HET” AJ, “Navoiy HETK” AJ, “Samarqand HETK” AJ, “Jizzax HETK” AJ, “Qashqadaryo hududiy elektr tarmoqlari” AJ, “Surhondaryo hududiy elektr tarmoqlari korxonasi” AJ, “SIRDARYO HETK” AJ, “Andijon HETK” AJ ва “Namangan HETK” AJ) барча мол-мулклари ҳамда ҳуқуқ ва мажбуриятлари бўйича ҳуқуқий вориси ҳисобланади.

1.8. Жамият бошқа давлатларда, халқаро институтлар ва ташкилотларда электр энергетикаси масалалари борасида қонунчиликда белгиланган тартибда ҳамкорлик қилади.

1.9. Жамият ўз фаолиятида Ўзбекистон Республикасининг Қонунларига ва Ўзбекистон Республикаси Олий Мажлисининг Қарорларига, Ўзбекистон Республикаси Президентининг Фармонлари, Қарорлари ва Фармойишларига, Ўзбекистон Республикаси Вазирлар Маҳкамасининг Қарорлари ва Фармойишларига, умум мажбурий тусдаги меъёрий – ҳуқуқий ҳужжатларга, шунингдек ушбу Уставга амал қилади.

1.10. Жамият юридик шахс бўлиб, у ўз мустақил балансида ҳисобга олинадиган алоҳида мол-мулкка, шу жумладан ўзининг устав капиталига берилган мол-мулкка эга бўлади, ўз номидан мулккий ва шахсий номулккий ҳуқуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин.



1.11. Жамият давлат рўйхатидан ўтказилган пайтдан эътиборан юридик шахс мақомига эга бўлади. Жамият фаолият кўрсатиш муддати чекланмаган ҳолда ташкил этилади.

1.12. Жамият Ўзбекистон Республикаси ҳудудида ва ундан ташқарида банк ҳисобварақлари очишга ҳақлидир.

1.13. Жамият, ўзининг номи ёзилган штамп ва бланklarига, ўз тимсолига, шунингдек белгиланган тартибда рўйхатдан ўтказилган товар белгисига ҳамда фуқаролик муомаласи иштирокчиларининг, товарларнинг, ишларнинг ва хизматларнинг хусусий аломатларини акс эттирувчи бошқа воситаларга эга бўлишга ҳақли.

1.14. Жамият ўз мажбуриятлари юзасидан ўзига тегишли барча мол-мулк билан жавобгар бўлади.

1.15. Акциядорлар жамиятнинг мажбуриятлари юзасидан жавобгар бўлмайди ва унинг фаолияти билан боғлиқ зарарларнинг ўрнини ўзларига тегишли акциялар киймати доирасида коплаш таваккалчилигини ўз зиммасига олади.

1.16. Жамият ўз акциядорларининг мажбуриятлари юзасидан жавобгар бўлмайди.

## **II. ЖАМИЯТНИНГ ВАКОЛАТИ, ФАОЛИЯТИНИНГ МАҚСАДИ, АСОСИЙ ЙЎНАЛИШЛАРИ ВА ФУНКЦИЯЛАРИ**

2.1. Жамият электр энергетикаси соҳасидаги махсус ваколатли хўжалик субъектидир.

2.2. Жамиятнинг фаолиятининг мақсадлари:

- тақсимловчи электр тармоқлари тизимининг хавфсиз ва ишончли ишлаб туришини ҳамда истеъмолчиларга электр энергиясини барқарор етказиб берилишини таъминлаш эҳтиёжлари қаноатлантирилишини таъминлаш;

- тақсимловчи электр тармоқлари тизимини ривожлантириш дастурларини ишлаб чиқиш;

- электр энергиясини истеъмолчиларга тақсимлаш, тарқатиш ва уларга Ўзбекистон Республикаси Ҳукумати томонидан тасдиқланган тарифлар бўйича сотиш ҳисобига фойда (даромад) олиш;

- ўзининг ҳудудий филиалларига (электр таъминоти корхоналари) истеъмолчилар билан электр таъминоти шартномалари тузиш ҳуқуқини амалга ошириш учун белгиланган тартибда бош ишончнома бериш;

- истеъмолчиларга электр таъминоти шартномаси асосида электр энергиясини етказиб бериш ва сотишни амалга ошириш;

- электр энергияни якуний истеъмолчиларга тақсимловчи ва сотувчи ҳудудий филиаллар (ҳудудий электр тармоқлари корхоналари) фаолиятини бошқариш;

- тақсимловчи электр тармоқларини реконструкция қилиш, модернизациялаш, ривожлантириш тадбирларини амалга ошириш;

- тақсимловчи электр тармоқларидан фойдаланиш устидан назоратни амалга ошириш;

- электр энергетикаси соҳасидаги норматив-ҳуқуқий ҳужжатларни ишлаб чиқишда иштирок этиш;

- истеъмолчиларнинг электр энергетикаси объектларидан фойдаланишни ташкил этиши устидан техник ва технологик назоратни амалга ошириш;

- ҳисобидаги электр тармоқлари объектларида электр энергияси ва ёқилғи-энергетика ресурсларидан оқилона фойдаланиш чора-тадбирларининг ишлаб чиқилиши ва амалга оширилишини ташкил этиш;

- ҳисобидаги тақсимловчи электр тармоқлари объектларида меҳнатни муҳофаза қилиш ва хавфсизлик техникасига доир ишларни мувофиқлаштириш;

- қонун ҳужжатларига мувофиқ бошқа мақсадларни ва ваколатларни ҳам амалга ошириши мумкин.

2.3. Жамият фаолиятининг асосий йўналишлари ва вазифалари қуйидагилардан иборат:



- республика иқтисодиёти ва аҳолисини электр энергияси билан барқарор таъминлаш;
  - электр энергиясини шартнома асосида ягона сотувчидан сотиб олиш ва якуний истеъмолчиларга сотиш;
  - электр энергияси учун тўловларнинг ўз вақтида ва тўлик ўндирилишини таъминлаш;
  - электр энергияси сотуви ва истеъмолини ҳисобга олиш;
  - электр тармоқларига ноқонуний уланиш, талон-тарож ҳолатларини аниқлаш, бартараф этиш ва олдини олиш;
  - истеъмолчиларга электр энергиясини етказиб беришда хавфсизликни таъминлаш;
  - ўз электр тармоғи хўжалиги объектларида электр энергиясининг давлат стандартларида белгиланган сифат кўрсаткичларини сақлаб туриш;
  - техник жиҳатдан фойдаланиш қоидаларига мувофиқ ўз электр тармоғи хўжалиги объектларидан фойдаланилишини ва уларнинг таъмирланишини ташкил этиш;
  - ўз электр тармоғи хўжалиги объектларида электр энергиясининг технологик йўқотишларни камайтириш бўйича ташкилий-техник тадбирларни ишлаб чиқиш ва амалга ошириш;
  - электр энергиясини истеъмол қилувчи электр қурилмаларини белгиланган тартибда электр тармоқларига улаш учун истеъмолчиларга белгиланган тартибда техник шартлар бериш;
  - тақсимловчи ва паст кучланишдаги электр тармоқларини ривожлантиришнинг қисқа муддатли ва узоқ муддатли истиқболларини ҳамда мақсадли дастурларини ишлаб чиқиш;
  - электр энергияси ишлаб чиқариш ва истеъмол қилиш балансларини шакллантиришда қатнашиш;
  - тақсимловчи электр тармоқларини замонавий асбоб-ускуналар ва илғор технологиялар асосида, шу жумладан хорижий инвестициялар ҳисобига, реконструкция қилиш, замонавийлаштириш, техник қайта жиҳозлаш ва янада ривожлантириш;
  - тақсимловчи ва паст кучланишдаги электр тармоқлари орқали электр энергиясини узатишда технологик йўқотишларни (исрофларини) камайтириш чора-тадбирларини амалга оширилишини ташкил этиш;
  - тақсимловчи электр тармоқлари объектларида ишлаш ва хизмат кўрсатиш учун кадрларини тайёрлаш ва қайта тайёрлаш, уларнинг малакасини оширишни ташкил этиш, маркетинг тадқиқотларини ўтказиш;
  - хорижий корхона ва жамиятлар билан иқтисодий, техникавий, технологик ва инвестицион ҳамкорликни ҳар томонлама кенгайтириш;
  - республика ва дунё бозори конъюктурасини ўрганиш негизида тақсимловчи электр тармоқлари объектларини модернизациясига ва кенгайтирилишига инвестицияларни жалб этиш;
  - Жамият фаолиятида ва тизимдаги корхоналарда янги технологияларни ва менежментнинг илғор усулларини жорий этиш;
  - бошқарув тизимида ва энергияни узатиш ва сотиш бўйича хўжалик алоқаларига бозор тамойиллари ва механизмларини жорий этиш;
  - тақсимловчи электр тармоқлари қувватларнинг ўзаро боғланган ва мувозанатлаштирилган тарзда Жамиятнинг ривожланиши дастурларини ишлаб чиқиш;
  - Жамиятга тегишли бўлган мулкни ва акцияларнинг давлат пакетларини самарали бошқаришни таъминлаш.
- 2.4. Қўйилган вазифаларни бажариш учун Жамият қуйидаги функцияларни амалга оширилишини таъминлайди:
- унга берилган ҳуқуқлар доирасида масалаларни комплекс ҳал қилади ва тасарруфидаги филиаллар ва корхоналар ишини бошқаради;
  - тақсимловчи электр тармоқларини ривожлантириш концепциясини ва миллий дастурларини ишлаб чиқишда қатнашади;



- филиалларнинг тақсимловчи электр тармоқлари объектларида эксплуатация фаолиятини, қурилиш-монтаж ишларини, лойиҳа ишлари ва тадқиқотларни мувофиқлаштиради;

- филиалларнинг тақсимловчи электр тармоқлари объектларини қайта техник жиҳозлаш, қуриш, реконструкция қилиш ва таъмирлаш, ускуналарни замонавийлаштириш йўли билан асосий ишлаб чиқариш фондларини янгилайди;

- қонунчиликда белгиланган тартибда акциялар ва бошқа қимматли қоғозларни алмаштириш, сотиб олиш ва сотиш бўйича битимларни амалга оширади;

- акцияларнинг давлат улушига эга бўлган акциядорлик жамиятларида акцияларнинг давлат пакетларини бошқаришда давлат органларининг ишончли шахси сифатида чиқади;

- ишлаб чиқариш, тижорат ва илмий-техник фаолиятига маблағларни инвестициялайди;

- бозор конъюктурасини ўрганиш ва таҳлил қилиш, маркетинг ва консалтинг фаолиятини амалга оширади;

- Жамият ижтимоий ривожланиши, меҳнат жамоасининг ижтимоий қўллаб қувватлаш ва ҳимояси бўйича стратегия ва тактикасини шакллантиради;

- Жамиятнинг ишлаб чиқариш ва хизмат харажатларини камайтиради, молия-хўжалик фаолияти рентабеллигини оширади;

- электр энергиясини узатиш (етказиб бериш) ва сотишда замонавий ўзаро ҳисоб-китоб тизимларини жорий этади;

- янги ишлаб чиқариш, товар, инжиниринг, молия-кредит ташкилий тузилмаларини ва уларнинг бирикмаларини шакллантиради;

- фаолиятини самарали ташкил этиш учун кадрларини қайта тайёрлайди ва уларнинг малакасини оширишни ташкил қилади;

- тақсимловчи ва паст кучланишли электр тармоқлари тизими ходимларини ижтимоий ҳимоя қилиш ва корхоналарда ходимларнинг меҳнатни муҳофаза қилиш бўйича ишларни ташкил этади;

- Жамиятнинг филиаллари, шўъба ва тобе корхоналарини барпо этади;

- ташқи иқтисодий фаолиятни амалга оширади;

- янги халқаро иқтисодий алоқаларни ташкил қилади.

2.4.1. Жамиятнинг ҳудудий филиаллари қуйидаги вазифалар ва функцияларни амалга оширади:

- ҳудудий филиал ўз ҳудуди (шу жумладан ўзининг вилоятидаги туман ва шаҳар) миқёсидаги истеъмолчиларга бош ишончнома асосида электр энергиясини сотиш ва узатишни амалга оширувчи бўлинма ҳисобланади;

- истеъмолчиларнинг белгиланган тартибда киритган таклифларига мувофиқ равишда электр энергияси истеъмолининг ойлик шартномавий ҳажмини шакллантиради;

- электр энергияси учун тўловларнинг ўз вақтида ва тўлиқ ундирилишини таъминлайди;

- электр тармоқларига ноқонуний уланиш, талон-тарож ҳолатларини аниқлайди, баргараф этади ва олдини олади;

- истеъмолчиларга электр энергиясини етказиб беришда хавфсизликни таъминлайди;

- техник ишлатиш қоидаларига мувофиқ равишда ўзининг электр тармоқлари хўжаликлари объектларида электр ускуналарини ишлатиш ва таъмирлашни ташкиллаштиради;

- ўзининг энергия хўжалик объектларида технологик йўқотишни қисқартириш бўйича ташкилий техник тадбирлар ишлаб чиқади ва амалга оширади;

- ҳудудий филиаллар қонунчиликка мувофиқ равишда бошқа фаолиятни ҳам амалга ошириш мумкин.



2.5. Кўрсатиб ўтилганлар билан бир қаторда Жамият қуйидагиларни ҳам амалга ошириши мумкин:

- юридик ва жисмоний шахсларга консалтинг, ахборот, лизинг ва маркетинг хизматларини кўрсатиш;
- франчайзинг фаолиятини амалга ошириш;
- савдо кўргазмалари ва ярмаркаларида қатнашади ва уларни уюштириш;
- «ноу-хау» патентларини ва рационализаторлик таклифларини сотиб олиш ва сотишни амалга ошириш.

2.6. Жамият Ўзбекистон Республикасининг амалдаги қонунчилигида тақиқланмаган бошқа фаолият турларини ҳам амалга оширишга ҳақлидир. Махсус рухсатнома (лицензия) олишни талаб қиладиган фаолият турлари билан Жамият шундай лицензия олганидан кейин шуғулланиши мумкин.

### **III. ЖАМИЯТНИНГ УСТАВ ФОНДИ, УНИ ОШИРИШ ВА КАМАЙТИРИШ ТАРТИБИ**

3.1. Жамиятнинг Устав фонди номинал қиймати 100 сўм бўлган жами 84 680 814 487 дона оддий акциялардан иборат бўлган 8 468 081 448 700 (саккиз триллион тўрт юз олти миш саккиз миллиард саксон бир миллион тўрт юз қирқ саккиз минг етти юз) сўмни ташкил қилади.

#### **Жамиятнинг устав фондиди кўпайтириш**

3.2. Жамиятнинг Устав фонди кўшимча акцияларни жойлаштириш йўли билан кўпайтирилиши мумкин.

3.3. Кўшимча акциялар Жамият томонидан ушбу уставда белгиланган эълон қилинган акциялар сони доирасидагина жойлаштирилаши мумкин.

3.4. Жамият устав фондиди ошириш мақсадида жойлаштирилган акцияларига кўшимча равишда чиқариши мумкин бўлган, эълон қилинган акциялари миқдори - номинал қиймати 100 (юз) сўм бўлган 51 194 389 313 дона оддий акциялардан ва номинал қиймати 100 (юз) сўм бўлган 70 000 000 дона имтиёзли акциялардан иборат.

3.5. Кўшимча акцияларни жойлаштириш йўли билан Жамият устав капиталини кўпайтириш тўғрисидаги қарор акциядорлар умумий йиғилиши томонидан қабул қилинади.

3.6. Жамиятнинг устав фондиди (устав капиталини) кўпайтириш тўғрисидаги қарорда жойлаштириладиган кўшимча оддий акцияларнинг ва имтиёзли акцияларнинг сони, уларни жойлаштириш муддатлари ҳамда шартлари белгиланганда.

3.7. Жамиятнинг устав капитали кўпайтириладиганда жамиятнинг кўшимча акцияларига унинг ўз капитали ҳисобидан, шунингдек ҳақини кўшимча акциялар билан тўлаш тўғрисида қарор қабул қилинган дивидендлар ҳисобидан ҳақ тўланган тақдирда, бундай акцияларни жойлаштириш жамият акцияларининг номинал қиймати бўйича барча акциядорлар ўртасида амалга оширилади. Бунда ҳар бир акциядорга қайси турдаги акциялар тегишли булса, айти уша турдаги акциялар унга тегишли акциялар сонига мутаносиб равишда тақсимланади.

3.8. Жамиятнинг устав фонди (устав капитали) кўпайтирилиши натижасида кўпайтириш суммасининг битта акциянинг номинал қийматига мувофиқлиги таъминланмайдиган бўлса, жамиятнинг устав фондиди (устав капиталини) кўпайтиришга йўл қўйилмайди.

3.9. Жамият акцияларни ва акцияларга айирбошланадиган қимматли қоғозларни очиқ ва ёпиқ обуна воситасида, биржа ва биржадан ташқари бозорларда қонун ҳужжатларида белгиланган тартибда жойлаштиришга ҳақли.

3.10. Жамият томонидан акцияларни ва акцияларга айирбошланадиган, ҳақи пул маблағлари билан тўланадиган эмиссиявий қимматли қоғозларни жойлаштиришда овоз берувчи акцияларнинг эгалари бўлган акциядорлар уларни ўзларида мавжуд бўлган акциялар сонига мутаносиб равишда тенг шартларда, имтиёзли олиш ҳуқуқига эга.



3.11. Жамиятнинг акцияларини ва бошқа қимматли қоғозларини жойлаштириш чоғида уларга ҳақ тўлаш пул ва бошқа тўлов воситалари, мол-мулк, шунингдек пулда ифодаланадиган баҳога эга бўлган ҳуқуқлар (шу жумладан мулкӣ ҳуқуқлар) орқали амалга оширилади. Жамиятнинг қўшимча акциялари ва бошқа қимматли қоғозларига ҳақ тўлаш тартиби уларни чиқариш тўғрисидаги қарорда белгилаб қўйилади.

3.12. Жамиятнинг акцияларига ҳақ тўлаш қонун ҳужжатларида белгиланган тартибда амалга оширилади.

#### **Жамиятнинг устав фондини камайтириш**

3.9. Жамиятнинг устав капитали акцияларнинг умумий сонини қисқартириш йўли билан, шу жумладан акцияларнинг бир қисмини кейинчалик бекор қилган ҳолда Жамият томонидан акцияларни олиш йўли билан камайтирилиши мумкин.

3.10. Жамият устав капиталини камайтириш тўғрисидаги ва Жамият уставига тегишли ўзартишлар киритиш ҳақидаги қарорлар акциядорлар умумий йиғилиши томонидан қабул қилинади;

3.11. Жамиятнинг устав капитали камайтириш тўғрисида қарор қабул қилинаётганда Жамият акциядорлар умумий йиғилиши устав капиталини камайтириш сабабларни кўрсатади ва уни камайтириш тартибини белгилайди.

### **IV. ЖАМИЯТНИНГ КОРПОРАТИВ ОБЛИГАЦИЯЛАРИ ВА БОШҚА ҚИММАТЛИ ҚОҒОЗЛАРИ**

4.1. Жамият корпоратив облигацияларни ва бошқа қимматли қоғозларни чиқаришга ҳамда жойлаштиришга ҳақли.

4.2. Жамиятнинг корпоратив облигациялари Жамият акцияларига айирбошланадиган қимматли қоғозлар бўлиши мумкин.

4.3. Жамият мол-мулк билан таъминланган корпоратив облигацияларни уларни чиқариш тўғрисида қарор қабул қилиш санасидаги ўз капитали миқдори доирасида чиқаришга ҳақли.

4.4. Жамият томонидан корпоратив облигацияларни чиқариш, шу жумладан акцияларга айирбошланадиган корпоратив облигацияларни чиқариш Жамият кузатув кенгашининг қарорига кўра амалга оширилади.

4.5. Жамият томонидан Жамият кузатув кенгашининг қарорига кўра акцияларга айирбошланадиган корпоратив облигациялар чиқарилган тақдирда, мазкур қарор Жамият Кузатув кенгашининг барча аъзолари томонидан бир овоздан қабул қилиниши керак.

### **V. ЖАМИЯТ ФОЙДАСИНИ (ЗАРАРИНИ) ТАҚСИМЛАШ ВА ДИВИДЕНД ҲИСОБЛАШ ТАРТИБИ**

5.1. Амалдаги қонунчиликка асосан бюджетга солиқлар ва бошқа мажбурий тўловлар тўлаганидан сўнг Жамият ихтиёрида қоладиган соф фойда, шунингдек ўтган даврлардаги тақсимланмаган соф фойда акциядорлар умумий йиғилиши томонидан тақсимланади.

5.2. Жамият зарарини қоплаш акциядорлар умумий йиғилиши қарори асосида захира фонди маблағлари ҳисобидан амалга оширилади.

5.3. Дивиденд жамият соф фойдасининг акциядорлар ўртасида тақсимланадиган қисмидир. Дивиденд акциядорларнинг умумий йиғилиши қарорига кўра пул маблағлари ёки бошқа қонуний тўлов воситалари ёхуд жамиятнинг қимматли қоғозлари билан тўланиши мумкин.

5.4. Жамият молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра жойлаштирилган акциялар бўйича дивидендлар тўлаш тўғрисида қарор қабул қилишга ҳақли.

5.5. Жамиятнинг молиявий йилнинг биринчи чораги, ярим йиллиги ва тўққиз ойи натижаларига кўра дивидендлар тўлаш тўғрисидаги қарори тегишли давр тугагандан кейин уч ой ичида қабул қилиниши мумкин.



5.6. Акциялар бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор молиявий ҳисоботнинг ишончлилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида Жамият кузатув кенгаши тавсияси асосида акциядорлар умумий йиғилиши томонидан қабул қилинади. Дивидендлар тўлаш тўғрисидаги қарорда дивидендлар тўлаш бошланадиган ва тугалланадиган саналар кўрсатилган бўлиши лозим.

5.7. Дивидендлар тўлаш муддати ва тартиби Жамият акциядорлар умумий йиғилиши қарори билан белгиланади. Дивидендлар тўлаш муддати шундай қарор қабул қилинган кундан эътиборан 60 кундан кеч бўлмаслиги лозим.

5.8. Жамият:

- жамият устав капиталининг ҳаммаси унинг таъсис этилиши чоғида тўлиқ тўлаб бўлингунига қадар;

- агар дивидендлар тўланадиган пайтда Жамиятда банкротлик белгилари мавжуд бўлса ёки Жамиятда шундай белгилар дивидендларни тўлаш натижасида пайдо бўлса;

- агар Жамият соф активларининг қиймати унинг устав капитали ва захира фонди сўммасидан кам бўлса, акциялар бўйича дивидендлар тўлаш тўғрисида қарор қабул қилишга ҳамда дивидендлар тўлашга ҳақли эмас.

Ушбу моддада кўрсатилган ҳолатлар тугатилгач, Жамият ҳисобланган дивидендларни акциядорларга тўлаши шарт.

5.9. Жамият дивидендларнинг миқдорини улардан ундириладиган солиқларни инобатга олмаган ҳолда эълон қилади. Жамият тўланадиган дивидендлар миқдори тўғрисидаги маълумотларни Корпоратив ахборот ягона порталида ва Жамиятнинг расмий веб-сайтида қонун ҳужжатларида белгиланган муддатларда эълон қилади.

5.10. Дивидендларни тўлаш чоғида биринчи навбатда имтиёзли акциялар бўйича, сўнгра оддий акциялар бўйича дивидендлар тўланади. Имтиёзли акциялар бўйича қатъий белгиланган дивидендларни тўлаш учун етарли миқдорда фойда мавжуд бўлган тақдирда Жамият мазкур акцияларнинг эгаларига дивидендлар тўлашни рад этишга ҳақли эмас.

5.11. Жамият имтиёзли акцияларга улар номинал қийматининг 25 фоизи миқдорида дивидендлар тўланади. Жамият етарли миқдорда фойдага эга бўлмаган ёки зарар кўриб ишлаётган тақдирда, имтиёзли акциялар бўйича дивидендлар жамият томонидан Жамиятнинг шу мақсад учун ташкил этилган захира фонди ҳисобидан ва ушбу фонд доирасида тўланиши мумкин.

5.12. Жамият тугатилаётганда имтиёзли акциялар бўйича туланадиган қиймат (тугатилиш қиймати) имтиёзли акцияларнинг номинал қийматининг 100 (бир юз) фоизини ташкил қилади.

5.13. Ўзбекистан Республикаси «Акциядорлик Жамиятлари ва акциядорларнинг ҳуқуқларини ҳимоя қилиш тўғрисида»ги қонунининг 37 моддасида назарда тутилган ҳолларда имтиёзли акцияларни Жамият томонидан сотиб олиш имтиёзли акциялар номинал қийматининг 100 (бир юз) фоизига тенг нарх бўйича амалга оширилади.

5.14. Эгаси ёки эгасининг қонуний ҳуқуқий вориси ёхуд меросхўри томонидан уч йил ичида талаб қилиб олинмаган дивиденд акциядорларнинг умумий йиғилиши қарорига кўра Жамият ихтиёрида қолади.

## **VI. ЖАМИЯТНИНГ ЗАХИРА ВА БОШҚА ФОНДЛАРИНИ ШАКЛЛАНТИРИШ**

6.1. Жамият соф фойдаси ҳисобидан:

- Жамият устав капиталининг 15 (ўн беш) фоизи миқдорида захира фонди;

- Жамият кузатув кенгаши томонидан аниқланадиган, Жамият фаолияти учун зарур бўлган бошқа фондларни тузишга ҳақли.

6.2. Жамият захира фондига ушбу Уставда белгиланган миқдорга етгунига қадар ҳар йили соф фойдадан 5 фоиз миқдоридан кам бўлмаган ажратмалар ўтказилади.



6.3. Бошқа маблағлар мавжуд бўлмаган тақдирда, Жамиятнинг захира фонди Жамиятнинг зарарлари ўрнини қоплаш, Жамиятнинг корпоратив облигацияларини муомаладан чиқариш, Жамиятнинг имтиёзли акциялари бўйича дивидендлар тўлаш ва Жамиятнинг акцияларини қайтариб сотиб олиш учун мўлжалланади.

6.4. Жамиятнинг захира фондидан бошқа мақсадлар учун фойдаланиш мумкин эмас.

## **VII. ЖАМИЯТНИНГ БОШҚАРУВ ОРГАНЛАРИ**

7.1. Жамиятнинг бошқарув органлари қуйидагилардан иборат:

- акциядорларнинг умумий йиғилиши;
- кузатув кенгаши;
- ижроия органи - бошқарув.

### **Акциядорлар умумий йиғилиши**

7.2. Акциядорларнинг умумий йиғилиши жамиятнинг юқори бошқарув органидир.

Агар Жамиятнинг барча оддий акциялари битта акциядорга тегишли бўлса акциядорларнинг умумий йиғилиши ўтказилмайди. Мазкур устав билан акциядорларнинг умумий йиғилиши ваколатига киритилган масалалар бўйича қарорлар бундай акциядор томонидан якка тартибда қабул қилинади ҳамда ёзма шаклда расмийлаштирилади. Жамиятнинг имтиёзли акциялари қонун ҳужжатларига мувофиқ овоз бериш ҳуқуқини олиши ҳоллари бундан мустасно.

7.3. Жамият ҳар йили акциядорларнинг умумий йиғилишини (акциядорларнинг йиллик умумий йиғилишини) ўтказиши шарт. Акциядорларнинг йиллик умумий йиғилиши жамият уставига белгиланган муддатларда, аммо молия йили тугаганидан кейин олти ойдан кечиктирмай ўтказилади.

7.4. Акциядорлар умумий йиғилишининг ваколат доирасига қуйидагилар киради:

- Жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш;
- Жамиятни қайта ташкил этиш;
- Жамиятни тугатиш, тугатувчини (тугатиш комиссиясини) тайинлаш ҳамда оралик ва якуний тугатиш балансларини тасдиқлаш;
- Жамият Кузатув кенгашининг сони ва таркибини белгилаш, уларнинг аъзоларини сайлаш ва уларнинг ваколатларини муддатидан илгари тугатиш. Кузатув кенгаши аъзоларига мукофот ва компенсациялар тўлаш;
- эълон қилинган акцияларнинг энг кўп миқдорини белгилаш;
- Жамият устав фондини (устав капиталини) қўшимча акцияларни жойлаштириш йўли билан кўпайтириш ва жамият устав капиталини кўпайтириш билан боғлиқ ўзгартиришларни жамият уставига киритиш тўғрисида қарор қабул қилиш;
- акциялар чиқариш тўғрисидаги қарор ва эмиссия рисоласини тасдиқлаш;
- Жамиятнинг устав капиталини камайтириш;
- ўз акцияларини қайта сотиб олиш;
- Жамиятнинг ташкилий тузилмасини тасдиқлаш, Жамият ижроия органининг фаолияти тартибини белгилаб берувчи Низомни тасдиқлаш;
- Корпоратив бошқарув кодекси тавсияларига риоя этиш мажбуриятини олиш тўғрисида қарор қабул қилиш ва хабарни ошкор қилиш шаклини тасдиқлаш;
- Жамиятнинг бошқарув органлари тўғрисидаги, шу жумладан ички назорат, дивиденд сиёсати тўғрисидаги, манфаатлар қарама-қаршилиги вақтида ҳаракат қилиш тартиби тўғрисидаги низомларини тасдиқлаш;
- Жамият ижроия органини тузиш, Бошқарув раиси ва аъзоларини лавозимга сайлаш.
- жамиятнинг ижроия органига тўланадиган ҳақ ва (ёки) компенсацияларни, шунингдек уларнинг энг юқори миқдорларини белгилаш;



- мажбурий аудиторлик текширувини ўтказиш учун аудиторлик ташкилотини белгилаш, унинг хизматларига тўланадиган ҳақ миқдори ва чегарасини белгилаш;
  - ҳар йили мустақил профессионал ташкилотлар – маслаҳатчиларни жалб қилган ҳолда бизнес-жараёнлар ва лойиҳаларнинг Жамиятнинг ривожланиш мақсадларига мувофиқлиги юзасидан таҳлил ўтказиш тўғрисида қарор қабул қилиш;
  - Жамият тафтиш комиссиясининг аъзоларини сайлаш ва уларнинг ваколатларини муддатидан илгари тугатиш, шунингдек тафтиш комиссияси тўғрисидаги Низомни тасдиқлаш, тафтиш комиссияси аъзоларига мукофот ва компенсациялар тўлаш тўғрисида қарор қабул қилиш;
  - жамиятнинг йиллик ҳисоботини, шунингдек жамият фаолиятининг асосий йўналишлари ва мақсадидан келиб чиққан ҳолда жамиятни ўрта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш;
  - Жамиятнинг йиллик ҳисоботини тасдиқлаш;
  - Жамиятнинг фойдаси ва зарарларини тақсимлаш;
  - ҳомийлик (хайрия) ёки бегараз ёрдам кўрсатиш (олиш) тартиби ва шартларини белгилаш, уларни амалга ошириш тўғрисида қарор қабул қилиш;
  - электрон почта орқали (электрон рақамли имзо билан тасдиқланган ҳолда), шунингдек, ўз ваколатини вакилга бериш йўли билан овоз бериш ёки умумий йиғилишни видеоконференц-алоқа тарзида ўтказиш тартибини белгилаш (тасдиқлаш);
  - акциядорларнинг умумий йиғилишида ҳисобот берувчи Жамият бошқарув ва назорат органлари маърузалари (ҳисоботлари) шакли ва мазмунига бўлган талабларни, акциядорлар умумий йиғилиши давомийлигини белгилаш;
  - Жамият кузатув кенгашининг ва тафтиш комиссиясининг ўз ваколат доирасига кирадиган масалалар юзасидан, шу жумладан, жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгашининг ҳисоботларини ва тафтиш комиссиясининг хулосаларини эшитиш;
  - акциядорлар умумий йиғилишининг регламентини тасдиқлаш;
  - акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;
  - акцияларни майдалаш ва йириклаштириш;
  - қонунчиликда назарда тутилган ҳолларда йирик битимлар тузиш ҳақида қарор қабул қилиш;
  - қонунчиликда назарда тутилган ҳолларда Жамиятнинг аффилиланган шахслари билан битимлар тузиш ҳақида қарор қабул қилиш;
  - Жамиятнинг кундалик хўжалик фаолиятини юритиш жараёнида тузиладиган битимларни аниқлаш;
  - дивидендлар тўлаш ҳақида қарор қабул қилиш, акцияларнинг ҳар бир тоифаси ва тури бўйича дивиденд миқдори, тўлов шакли ва тартибини белгилаш;
  - қонунчиликда ва мазкур Уставда кўзда тутилган бошқа масалаларни ҳал этиш.
- 7.5. Агар қабул қилиниши лозим бўлган қарор бўйича қонунчиликка ва ушбу Уставга мувофиқ Жамият кузатув кенгашининг тавсияси ёки кузатув кенгаши томонидан дастлабки тарзда маъқулланиши лозим бўлса, бундай қарорлар Жамият акциядорлари умумий йиғилиши томонидан шундай тавсиялар олингандан сўнг ёки дастлабки тарзда маъқулланганидан сўнг қабул қилинади.
- 7.6. Жамият акциядорлари умумий йиғилиши томонидан, ҳар йили молия йили тугагандан кейин олти ойдан кечиктирмай, Жамият кузатув кенгаши ва тафтиш комиссиясини сайлаш тўғрисида, бошқарув аъзолари билан тузилган шартноманинг муддатини узайтириш, уни қайта тузиш ёки бекор қилиш мумкинлиги ҳақидаги



масалалар, шунингдек Жамиятнинг йиллик ҳисоботи ва бошқа ҳужжатлари кўриб чиқилади ва тегишли қарорлар қабул қилинади.

7.7. Акциядорларнинг умумий йиғилишининг ваколат доирасига киритилган масалалар жамиятнинг ижроия органи ҳал қилиш учун берилиши мумкин эмас.

7.8. Акциядорларнинг умумий йиғилишининг ваколат доирасига киритилган масалалар Жамият кузатув кенгаши ҳал қилиши учун берилиши мумкин эмас, қонун ҳужжатларида кўрсатилган ҳоллар бундан мустасно.

7.9. Акциядорлар умумий йиғилишини ташкиллаштириш ва унинг ваколатига киритилган масалалар бўйича қарорлар қабул қилиш, қонунчилик ва Жамиятнинг “Акциядорлар умумий йиғилиши тўғрисида”ги Низом билан тартибга солинади.

7.10. Акциядор вакили томонидан акциядорлар умумий йиғилишида иштирок этиши ва кун тартибидаги масалалар бўйича овоз бериш тартиби акциядорнинг ўзи билан келишилган ҳолда амалга оширилади.

### **Жамият кузатув кенгаши**

7.11. Жамият кузатув кенгаши Жамият фаолиятига умумий раҳбарликни амалга оширади, амалдаги қонунчилик ва Жамият устави билан акциядорлар умумий йиғилишининг ваколат доирасига киритилган масалаларни ҳал этиш бундан мустасно.

7.12. Жамият кузатув кенгашининг аъзолари акциядорларнинг умумий йиғилиши томонидан уч йиллик муддатга сайланадилар. Жамият кузатув кенгаши аъзоларининг сони 9 (тўққиз) кишидан иборат бўлиб, шундан 3 тасигача мустақил аъзо сифатида сайланиши мумкин.

7.13. Жамият кузатув кенгашининг ваколат доирасига қуйидагилар киради:

- Жамият фаолиятининг устувор йўналишларини белгилаш;
- акциядорлар умумий йиғилишининг кун тартибини тайёрлаш ва ўтказиладиган сана, вақт ва жойни белгилаш;
- акциядорларнинг умумий йиғилиши ўтказилиши ҳақида хабар қилиш ва йиғилишда иштирок этиш учун жамият акциядорларининг реестрини шакллантириш санасини белгилаш;
- мол-мулкнинг бозор қийматини белгилашни ташкил этиш;
- жамият томонидан мулкни бегоналаштиришни, уни сотиш шакли ва механизмини белгилашни ҳамда жамият устав капиталига учинчи шахслар томонидан инвестиция киритиш бўйича келишувларни келишиш;
- аввал рўйхатдан ўтказилган қимматли қоғозларни чиқаришларига ўзгартириш ва қўшимчалар киритиш тўғрисида қарор қабул қилиш;
- Жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;
- қимматли қоғозларнинг ҳосилаларини чиқариш тўғрисида қарор қабул қилиш;
- Жамиятнинг корпоратив облигацияларини қайтариб сотиб олиш тўғрисида қарор қабул қилиш;
- Бошқарув раиси ва аъзоларини лавозимга тайинлаш, уларнинг ваколатларини муддатидан олдин тугатиш;
- Жамият ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисоботларини эшитиб бориш;
- Жамият тафтиш комиссияси аъзоларига тўланадиган ҳақ ва компенсация миқдори юзасидан тавсиялар бериш;
- Жамият ижроия органининг фаолиятига дахлдор ҳар қандай ҳужжатлардан эркин фойдаланиш ва Жамият кузатув кенгаши зиммасига юклатилган вазифаларни бажариш учун бу ҳужжатларни ижроия органидан олиш. Жамият кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;
- дивиденд миқдори, уни тўлаш шакли ва тартиби юзасидан тавсиялар бериш;



- қонунчиликда назарда тутилган ҳолларда йирик битимлар тузиш ҳақида қарор қабул қилиш (йирик битим тузиш масаласи бўйича Жамият кузатув кенгашининг яқдиллигига эришилмаган тақдирда йирик битим тузиш тўғрисидаги масала кенгашининг қарорига кўра акциядорларнинг умумий йиғилиши ҳал қилиш учун олиб чиқилиши мумкин);

- қонунчиликда назарда тутилган ҳолларда Жамиятнинг аффилиланган шахслари билан битимлар тузиш ҳақида қарор қабул қилиш;

- Жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;

- Жамиятнинг филиаллари, ваколатхоналари, шўба ва тобе корхоналарини ташкил этиш ва тугатиш;

- тафтиш комиссиясининг ўз ваколат доирасига кирадиган масалалар юзасидан, шу жумладан Жамиятни бошқаришга доир қонун ҳужжатларида белгиланган талабларга риоя этилиши юзасидан тафтиш комиссиясининг ва ички аудит хизматининг хулосаларини эшитиш;

- Жамиятнинг ижроия органига тўланадиган ҳақ ва (ёки) компенсациялар миқдорларини белгилаш, шунингдек, кўрсатилган тўловларнинг чегараси миқдорини Ўзбекистон Республикаси Вазирлар Маҳкамасининг 2015 йил 28 июлдаги 207–сонли қарори билан тасдиқланган “Давлат улуши бўлган акциядорлик жамиятлари ва бошқа хўжалик юритувчи субъектлар фаолияти самарадорлигини баҳолаш мезонларини жорий этиш тўғрисида”ги қарори билан белгиланган самарадорликнинг муҳим кўрсаткичларига боғлаган ҳолда белгилаш;

- Жамиятнинг келгуси йилга мўлжалланган йиллик бизнес-режасини ҳисобот (жорий) йилнинг 1 декабригача тасдиқлаш;

- Жамиятнинг захира фондидан ва бошқа фондларидан фойдаланиш;

- қонун ҳужжатларига мувофиқ бошқа масалаларни ҳал этиш.

7.14. Жамият кузатув кенгашининг ваколат доирасига киритилган масалалар Жамиятнинг ижроия органи ҳал қилиши учун берилиши мумкин эмас.

7.15. Жамият кузатув кенгашининг мажлислари Жамият кузатув кенгашининг раиси томонидан унинг ўз ташаббусига кўра, жамият кузатув кенгаши, тафтиш комиссияси аъзосининг, бошқарув раиси ва ички аудит хизмати бошлиғи талабига кўра чақирилади.

Жамиятнинг 1 фоиздан кам бўлмаган оддий акциялари эгалари (агар мавжуд бўлса) кузатув кенгаши мажлисини чақиришни талаб қилиш ва кун тартиби юзасидан таклиф киритиш ҳамда жамият кузатув кенгаши ва тафтиш комиссиясига (тафтишчилигига) бу органнинг миқдор таркибидан ошмайдиган тарзда номзодлар кўрсатиш ҳуқуқига эга.

7.16. Жамият кузатув кенгашининг мажлисини ўтказиш учун кворум Жамият кузатув кенгаши аъзоларининг камида 75 (етмиш беш) фоиздан кам бўлмаслиги керак.

7.17. Жамият кузатув кенгашининг мажлисида қарорлар, мажлисда ҳозир бўлганларнинг кўпчилик овози билан қабул қилинади, мазкур уставнинг 7.18.-бандида кўрсатилган масалалар бундан мустасно. Жамият кузатув кенгашининг мажлисида масалалар ҳал этилаётганда Жамият кузатув кенгашининг ҳар бир аъзоси битта овозга эга бўлади.

7.18. Қуйидаги масалалар бўйича қарор Жамият кузатув кенгаши томонидан бир овоздан қабул қилинади:

- йирик битим ва аффилиланган шахслар билан битимлар тузиш тўғрисидаги қарорлар;

- Жамият кузатув кенгаши томонидан сиртдан овоз бериш йўли билан (сўров йўли билан) қарорлар қабул қилинганда.

7.19. Жамият кузатув кенгашининг бир аъзоси ўз овозини Жамият Кузатув кенгашининг бошқа аъзосига беришига йўл қўйилмайди.



7.20. Жамият кузатув кенгаши аъзоларининг овозлари тенг бўлган тақдирда Кузатув кенгаш томонидан қарор қабул қилишда Жамият кузатув кенгаши раисининг овози ҳал қилувчи овоз ҳуқуқига эга.

7.21. Жамият кузатув кенгашининг мажлисида баённома юритилади. Жамият кузатув кенгаши мажлисининг баённомаси мажлис ўтказилганидан сўнг ўн кундан кечиктирилмай тузилади.

7.22. Кузатув кенгаши мажлиси баённомасида қуйидагилар кўрсатилади:

- мажлис ўтказилган сана, вақт ва жой;
- мажлисда ҳозир бўлган шахслар;
- мажлисининг кун тартиби;
- овоз беришга қўйилган масалалар, улар юзасидан ўтказилган овоз бериш яқунлари;
- қабул қилинган қарорлар.

7.23. Жамият кузатув кенгаши мажлисининг баённомаси мажлисда иштирок этган кузатув кенгаш аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади.

7.24. Жамият кузатув кенгаши мажлисининг баённомаси имзоланган куни Жамиятнинг ижроия органига ижро этиш учун топширилади.

7.25. Агар, Жамият кузатув кенгашининг қарорлари қонунчиликка ёки Жамият уставига зид бўлса, бу қарорлар устидан судга шикоят қилиниши мумкин.

7.26. Жамият кузатув кенгашининг фаолият олиб бориш тартиби Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуни, ушбу Устав ва Жамиятнинг ички ҳужжатлари билан белгиланади.

7.27. Жамият кузатув кенгаши ваколатига киритилган масалалар ҳал қилиш учун Жамият ижроия органига берилиши мумкин эмас.

#### **Жамиятнинг ижроия органи – Бошқарув**

7.28. Жамиятнинг кундалик фаолиятига раҳбарлик бошқарув ва унинг раиси томонидан амалга оширилади. Бошқарув ваколатига Жамиятнинг кундалик фаолиятига раҳбарлик қилишга доир барча масалалар киради, Акциядорлар умумий йиғилиши ва Кузатув кенгашининг ваколатларига киритилган масалалар бундан мустасно.

7.29. Жамият кузатув кенгаши аъзолари Бошқарув аъзолари бўла олмайдилар.

7.30. Жамият Бошқаруви 5 аъзодан, шу жумладан раис ва унинг 4 ўринбосаридан иборат бўлиб, улар лавозимларига Жамият акциядорлари умумий йиғилиши қарорлари билан сайланадилар. Жамият Бошқаруви аъзоларини тайинлаш тўғрисидаги қарор, одатда, хорижий менежерлар ҳам иштирок этиши мумкин бўлган танлов асосида қабул қилинади.

Жамият Бошқаруви аъзоларининг ҳуқуқ ва мажбуриятлари тегишинча уларнинг ҳар бири жамият билан уч йил муддатга тузадиган шартномада белгиланиб, шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йили қарор қабул қилинади. Бунда Бошқарув раиси лавозимига сайланган шахс сурункасига икки муддатдан ортиқ Жамиятнинг ижроия органи раҳбари бўлиши мумкин эмас.

7.31. Жамиятнинг Бошқаруви аъзолари электр энергетика соҳасида, шу жумладан электр тармоқлари тизимини бошқариш соҳасида малака ва кўникмаларига эга бўлиши лозим.

7.32. Бошқарув ишига раҳбарликни Бошқарув раиси амалга оширади ва ўз ваколатлари доирасида жамият номидан ишончномасиз иш кўришга ҳақлидир.

7.33. Бошқарув раисининг ўринбосарлари ўз ваколатлари доирасида ишончнома асосида жамият номидан иш кўришга ҳақлидирлар.

7.34. Жамият Бошқарувининг ваколат доирасига қуйидагилар киради:

- Жамият акциядорлари умумий йиғилишининг ва кузатув кенгашининг ваколатига қирувчи масалалардан ташқари, жамият фаолиятига доир барча масалаларни ҳал қилиш;
- Жамият томонидан мол-мулкни олиш ёки уни бошқа шахсга бериш ёхуд мол-мулкни бошқа шахсга бериш эҳтимоли билан боғлиқ битим ёки ўзаро боғланган бир



нечта битимлар бўйича қарор қабул қилиш, агар бошқа шахсга берилган ёки олинаётган мол-мулкнинг баланс қиймати бундай битимларни тузиш тўғрисидаги қарор қабул қилинаётганда жамият соф активлари миқдорининг 15 фоизигачасини ташкил этса, акцияларни ва бошқа қимматли қоғозларни жойлаштириш билан боғлиқ бўлган битимлар бундан мустасно;

- шубҳа корхоналарнинг (филиалларнинг) ташкилий тузилмасини ва ходимларининг меъёрий сонини тасдиқлаш;

- жамият ходимларининг меҳнати учун тўловларни Ўзбекистон Республикаси Меҳнат кодекси, меҳнатга ҳақи тўлаш бўйича тегишли қонунчилик ва меъёрий ҳужжатлар, жамоа шартномаси (битими) ва жамиятда амал қилувчи бошқа ҳужжатларга ҳамда ходим ва иш берувчи орасида тузилган шартномага мувофиқ, соҳа тариф сеткаси асосида белгилаш.

7.35. Жамият Бошқаруви раиси ваколатларига куйидагилар киради:

- жамият акциядорлари умумий йиғилиши ва Кузатув кенгаши томонидан қабул қилинган қарорлар ижросини ташкил этиш;

- мазкур Устав ва жамиятнинг Ижроия органи тўғрисидаги низомига асосан унга берилган ваколатларга мувофиқ Жамиятнинг ишига раҳбарлик қилиш;

- ишчи ва ходимларга иш ҳақи ва мукофотлар миқдорини белгилаш;

- Жамият номидан ишончномасиз иш юритиш ва унинг манфаатларини ҳимоя қилиш;

- Жамият номидан кундалик хўжалик фаолиятини юритиш жараёни учун зарур битимларни тузиш;

- Жамиятнинг филиали ёки ваколатхонаси раҳбарини тайинлаш ва лавозимидан озод қилиш;

- ходимлар штатларини тасдиқлаш, ходимларни (ишчиларни) ишга қабул қилиш, улар билан меҳнат шартномаларини тузиш ва бекор қилиш, уларга нисбатан интизомий жазо чораларини қўллаш, ходимлар томонидан меҳнат ва ижро интизомини риоя қилинишини таъминлаш;

- Жамият номидан амалдаги қонунчиликка асосан ишончномаларни бериш;

- Жамиятнинг барча ходимлари томонидан бажарилиши мажбурий бўлган буйруқ ва фармойишлар чиқариш ва кўрсатмалар бериш;

- ўз ваколатлари доирасида Жамиятнинг самарали ва барқарор ишлашини таъминлаган ҳолда унинг жорий фаолиятига раҳбарлик қилиш;

- Жамиятда бухгалтерия ҳисоби юритилишини ташкил этиш, шу жумладан эълон қилиш мақсадида Молиявий ҳисоботлар халқаро стандартларига трансформациясини таъминлаш;

- қонун ҳужжатларига мувофиқ Жамият фаолиятига доир маълумотларни ошкор қилиш;

- йиллик ҳисоботлар ва бошқа молиявий ҳисоботлар тегишли органларга ўз вақтида тақдим этилишини, шунингдек акциядорларга, кредиторларга ва бошқа олувчиларга юбориладиган Жамият фаолияти тўғрисидаги маълумотлар тақдим этилишини таъминлаш;

- Жамият архиви ишини ташкил этиш ва ундаги ҳужжатлар бутлигини таъминлаш;

- амалдаги қонун ҳужжатларига ҳамда Жамият ички ҳужжатларига риоя қилиш;

- амалдаги қонун ҳужжатлари билан таъқиқланмаган бошқа ваколатлар ҳам берилиши мумкин.

7.36. Бошқарув камида бир чоракда бир марта йиғилади. Бошқарув мажлисида Бошқарув аъзоларининг камида 60 (олтмиш) фоизи қатнашганда, Бошқарув мажлиси



ваколатли ҳисобланади. Бошқарув мажлисида баённома юритилади, у Бошқарув раиси томонидан, раис узурли сабабларга кўра иштирок этмаган тақдирда мажлисга раислик қилган шахс томонидан имзоланади.

7.37. Бошқарув ўз аъзоларининг кўпчилик овози билан қарорлар қабул қилади. Овозлар тенг бўлган ҳолларда раиснинг овози ҳал қилувчи бўлиб ҳисобланади.

7.38. Бошқарув ўз фаолиятида амалдаги қонунчилик ва ушбу устав, шунингдек Жамият кузатув кенгаши томонидан ўрнатилган барча талабларга риоя қилиши шарт.

7.39. Бошқарув раиси ва аъзоларини лавозимларидан озод қилиш Жамият кузатув кенгаши қарори ва (ёки) акциядорларнинг умумий йиғилиши қарорлари билан амалга оширилади.

7.40. Жамият кузатув кенгашининг аъзолари, жамият бошқарув раиси ёки бошқаруви аъзолари, шунингдек ишончли бошқарувчи ўз ҳуқуқларини амалга оширишда ва ўз мажбуриятларини бажаришда жамиятнинг манфаатларини кўзлаб иш тутиши ҳамда белгиланган тартибда жавобгар бўлиши лозим.

7.41. Агар Жамият кузатув кенгашининг ёки бошқарувининг бир неча аъзолари жавобгар деб топилса, улар жамият олдида солидар жавобгар бўлади.

7.42. Жамиятга зарар етказилишига сабаб бўлган қарорга овоз беришда иштирок этмаган ёки ушбу қарорга қарши овоз берган Жамият кузатув кенгаши ёки бошқарув аъзолари жавобгар бўлмайди.

7.43. Жамият ёки у жойлаштирган акцияларнинг ҳаммаси бўлиб камида бир фоизига эгалик қилувчи акциядор (акциядорлар) Жамиятга етказилган зарарларнинг ўрнини қоплаш тўғрисидаги даъво билан Жамиятнинг кузатув кенгаши аъзоси, бошқарув аъзоси, шунингдек ишончли бошқарувчи устидан судга мурожаат қилишга ҳақли.

7.44. Суд Жамиятнинг кузатув кенгаши аъзосини, бошқаруви аъзосини Жамиятга мулкӣ зарар етказганликда айбдор деб топган тақдирда, ушбу аъзонинг, бошқарув раиси ёки бошқарув аъзосининг ваколатлари суднинг қарорига кўра, уларнинг хўжалик жамиятларида раҳбарлик лавозимини эгаллаши тақиқланган ҳолда, бир йилдан кам бўлмаган муддатга тугатилиши мумкин.

7.45. Жамиятнинг кузатув кенгаши аъзоси, бошқарув раиси ёки бошқаруви аъзоси, шунингдек ишончли бошқарувчи жамиятга чалғитувчи ахборот ёки била туриб ёлгон ахборот тақдим этганлиги ёхуд ўзлари ёки ўз аффилиланган шахслари томонидан фойда (даромад) олиш мақсадида йирик битим тузишни ва (ёки) йирик битим тузиш ва (ёки) аффилиланган шахслар билан битимлар тузиш тўғрисида қарор қабул қилишни таклиф этганлиги натижасида етказилган зарар учун белгиланган тартибда амалдаги қонунчиликка асосан жавобгарликка тортилиши мумкин.

## **VIII. ЖАМИЯТ ФАОЛИЯТИНИ НАЗОРАТ ҚИЛИШ**

### **Тафтиш комиссияси**

8.1. Жамиятнинг молия-хўжалик фаолиятини назорат қилиш учун акциядорларнинг умумий йиғилиши тафтиш комиссиясини бир йил муддатга сайлайди. Жамият тафтиш комиссияси 3 (уч) кишидан иборат бўлади.

8.2. Жамият тафтиш комиссияси аъзоларига доир малака талаблари акциядорларнинг умумий йиғилиши томонидан белгиланади. Айни бир шахс Жамиятнинг тафтиш комиссияси таркибига кетма-кет уч мартадан ортиқ сайланиши мумкин эмас.

8.3. Тафтиш комиссияси амалдаги қонунчиликка мувофиқ акциядорларнинг навбатдан ташқари умумий йиғилиши чақирилишини талаб қилишга ҳақли.

8.4. Жамиятнинг молия-хўжалик фаолиятини текшириш тафтиш комиссиясининг, акциядорлар умумий йиғилишининг, жамият кузатув кенгашининг ташаббусига кўра ёки жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра жамият кузатув кенгашини олдиндан хабардор қилиш



йўли билан бир йиллик ёки бошқа давр ичидаги фаолият яқунлари бўйича амалга оширилади;

8.5. Жамиятнинг молия-хўжалик фаолиятини текшириш яқунларига кўра жамиятнинг тафтиш комиссияси хулоса тузади, бу хулосада:

- Жамиятнинг ҳисоботларида ва бошқа молиявий ҳужжатларида кўрсатилган маълумотларнинг ишончлилигига баҳо беради;

- бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек молия-хўжалик фаолияти амалга оширилаётганда қонун ҳужжатлари бузилганлиги фактлари тўғрисидаги ахборотни кўрсатади;

- Жамиятда аффилиланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва Жамият ички ҳужжатларининг бундай битимларни тузишга доир талабларига риоя қилиниши тўғрисидаги ахборот кўрсатилиши шарт.

8.6. Жамият тафтиш комиссиясининг ёзма талабига кўра, Жамият ижроия органида мансабни эгаллаб турган шахслар Жамиятнинг молия-хўжалик фаолияти тўғрисидаги ҳужжатларни тафтиш комиссиясига тақдим этиши шарт.

8.7. Жамият тафтиш комиссияси фаолиятининг тартиби акциядорлар умумий йиғилиши томонидан тасдиқланадиган “Жамият тафтиш комиссияси тўғрисида”ги Низомда белгилаб қўйилади.

#### **Ички аудит хизмати**

8.8. Жамият ички аудит хизмати жамият Кузатув кенгашига ҳисобдордир.

8.9. Жамиятнинг ички аудит хизмати жамиятнинг ижроия органи, филиаллари ва ваколатхоналари томонидан қонун ҳужжатларига, жамият уставига ва бошқа ҳужжатларга риоя этилишини, бухгалтерия ҳисобида ва молиявий ҳисоботларда маълумотларнинг тўлиқ ҳамда ишончли тарзда акс эттирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сақланишини, шунингдек Жамиятни бошқариш юзасидан қонун ҳужжатларида белгиланган талабларга риоя этилишини текшириш ҳамда мониторинг олиб бориш орқали жамиятнинг ижроия органи, филиаллари ва ваколатхоналари ишини назорат қилади ҳамда баҳолайди.

Шунингдек, Ички аудит хизмати жамиятдаги ички назоратни, шу жумладан, 50 фоиздан зиёд улуши Жамиятга тегишли бўлган юридик шахслар билан ўтказилган операциялар устидан назоратни амалга оширади.

8.10. Қуйидагилар ички аудит хизматининг асосий вазибалари ҳисобланади:

Жамият Кузатув кенгашини ишончли ахборот билан таъминлаш ва ички аудит амалга оширилиши натижалари бўйича жамият фаолиятини такомиллаштиришга доир таклифларни тайёрлаш;

ички аудит жараёнида аниқланадиган камчиликларни бартараф этиш юзасидан жамият бошқарув органига тавсияларни тезкорлик билан киритиш, уларнинг бартараф этилишини назорат қилиш.

8.11. Қуйидагилар ички аудит хизматининг асосий функциялари ҳисобланади:

- ҳар йили Жамият Кузатув кенгаши томонидан тасдиқланадиган режага мувофиқ текширишлар ўтказиш йўли билан ички аудитни амалга ошириш (ҳар чоракда ва ҳисобот йили яқунлари бўйича);

- тузиладиган хўжалик шартномаларининг қонун ҳужжатларига мувофиқлиги юзасидан экспертиза ўтказиш;

- бухгалтерия ҳисобини юритишда ва молиявий ҳисоботни тузишда корхонанинг таркибий бўлинмаларига методик ёрдам бериш, уларга молия, солиқ, банк қонунлари ва бошқа қонун ҳужжатлари масалалари бўйича маслаҳатлар бериш;









## Ma'lumotlarni o'zgartirish haqida ma'lumotnoma

### O'zgartirishdan oldin

Soliq to'lovchisining identifikatsiya raqami (STIR)  
306 350 099

Nomi  
HUDUDIIY ELEKTR TARMOQLARI

Tashkiliy-huquqiy shakli  
Aksiyadorlik jamiyati

Joylashgan joyi (manzili)  
Toshkent shahri, Yunusobod tumani, OSIYO KO'CHASI  
8-UY.

### O'zgartirishdan keyin

Soliq to'lovchisining identifikatsiya raqami (STIR)  
306 350 099

Nomi  
HUDUDIIY ELEKTR TARMOQLARI

Tashkiliy-huquqiy shakli  
Aksiyadorlik jamiyati

Joylashgan joyi (manzili)  
Toshkent shahri, Yunusobod tumani, OSIYO KO'CHASI  
8-UY.



11.11.2022

Guvohnoma olingan sana

270077







## Ma'lumotlarni o'zgartirish haqida ma'lumotnoma

### Oldingi ta'sischi

Yuridik shaxs

O'ZBEKISTON RESPUBLIKASI MOLIYA VAZIRLIGI

Soliq to'lovchisining identifikatsiya raqami (STIR):  
201122919

Miqdori: 8 468 081 448 700  
so'm

Ulush:  
100.00%

Ustav fondi

8 468 081 448 700 so'm



11.11.2022

Guvohnoma olingan sana

270077







## Ma'lumotlarni o'zgartirish haqida ma'lumotnoma

### O'zgartirishdan keyingi ma'lumotlar

Aksiya to'g'risida ma'lumot  
enum\_stock\_type\_null

Aksiyalar soni: 84680814487

Aksiya bahosi: 100 so'm

Ustav fondi

8 468 081 448 700 so'm



11.11.2022

Guvohnoma olingan sana

270077

